

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 6 APRIL 2015, PUKUL 10.00 PAGI

Bil. 17

PERTANYAAN-PERTANYAAN BAGI JAWAB LISAN

1. PR-1331-L66079
Datuk Noor Ehsanuddin bin Mohd Harun Narrashid [Kota Tinggi] minta **MENTERI PENGANGKUTAN** menyatakan apakah kemudahan perkhidmatan yang ditawarkan kepada Orang Kurang Upaya (OKU) dan Warga Emas yang menggunakan terminal KLIA 2.
2. PR-1331-L67248
Dr. Hajah Siti Mariah binti Mahmud [Kota Raja] minta **PERDANA MENTERI** menyatakan bagaimana Kerajaan merancang untuk menyelesaikan masalah pencerobohan tanah dan perladangan haram di Cameron Highlands dan apa tindakan konkrit yang telah diambil pihak berkuasa untuk memastikan peristiwa banjir kilat dan tanah runtuh tidak berulang lagi di Cameron Highlands.
3. PR-1331-L67425
Dato' Seri Tiong King Sing [Bintulu] minta **MENTERI KOMUNIKASI DAN MULTIMEDIA** menyatakan:-
 - (a) apakah Kementerian mempunyai rancangan untuk memperluaskan rangkaian perkhidmatan internet di Bintulu terutamanya perkhidmatan jalur lebar (*Broadband*) yang menggunakan gentian optik (*Fiber optic*); dan
 - (b) apakah Kementerian mempunyai rancangan untuk menaiktaraf Internet di Bintulu memandangkan permintaan semakin bertambah kerana kemasukan pelaburan asing di Kawasan Perindustrian Samalaju.
4. PR-1331-L65460
Dr. Azman bin Ismail [Kuala Kedah] minta **MENTERI KERJA RAYA** menyatakan langkah-langkah yang telah dan akan diambil oleh Kementerian untuk mengatasi masalah kesesakan teruk di Lebuhraya Utara Selatan pada masa-masa tertentu, terutamanya bagi jaringan lebuhraya di selatan Perak.

5. PR-1331-L65776
Tuan Wilson Ugak Kumbong [Hulu Rajang] minta **MENTERI PERUSAHAAN PERLADANGAN DAN KOMODITI** menyatakan sekiranya ada cadangan untuk membantu pekebun getah di Sarawak dalam bentuk subsidi bagi menampung kesan penurunan harga getah dunia sejak beberapa tahun ini.
6. PR-1331-L66949
Tuan Mohd Rafizi bin Ramli [Pandan] minta **MENTERI DALAM NEGERI** menyatakan semua projek infrastruktur PDRM yang lewat/terbengkalai dengan menyatakan syarikat konsesi, anggaran kos pembinaan, syarikat baru yang dilantik untuk menyiapkan projek (jika ada) dan jumlah kos tambahan yang ditanggung Kerajaan akibat kelewatan tersebut.
7. PR-1331-L65390
Tuan Khoo Soo Seang [Tebrau] minta **MENTERI PERTANIAN DAN INDUSTRI ASAS TANI** menyatakan penjelasan yang terperinci mengenai *Sanitary and Phytosanitary Agreement* (SPS)• atau Skim Perakuan Pensijilan Fitosanitasi Malaysia terhadap kualiti makanan yang diimport daripada negara lain.
8. PR-1331-L67479
Tuan V. Sivakumar [Batu Gajah] minta **MENTERI PENDIDIKAN** menyatakan secara terperinci mengenai bantuan Kumpulan Wang Amanah Pelajar Miskin, Rancangan Makanan Tambahan dan Program Susu 1Malaysia. Adakah bantuan-bantuan ini juga disalurkan kepada SJKT, SJKC dan SAR. Nyatakan jumlah yang disalurkan kepada sekolah-sekolah berkenaan daripada jumlah keseluruhan.
9. PR-1331-L66555
Puan Rubiah binti Haji Wang [Kota Samarahan] minta **MENTERI BELIA DAN SUKAN** menyatakan tahap semangat kesukarelawan dikalangan golongan belia di Malaysia.
10. PR-1331-L66884
Dr. Haji Izani bin Haji Husin [Pengkalan Chepa] minta **MENTERI SUMBER ASLI DAN ALAM SEKITAR** menyatakan bilakah tebatan banjir dari Kampung Keseng ke Kuala Besar dan tambakan laut dari Pantai Cahaya Bulan ke Kuala Besar Kelantan akan disiapkan.
11. PR-1331-L67041
Datuk Wee Jeck Seng [Tanjong Piai] minta **MENTERI KERJA RAYA** menyatakan apakah cadangan Kementerian untuk pemulihan dan penyelenggaraan cerun setelah pemantauan dan penilaian terhadap cerun yang sering dilanda tanah runtuh.
12. PR-1331-L66218
Tuan Charles Anthony Santiago [Klang] minta **MENTERI LUAR NEGERI** menyatakan kesanggupan Kerajaan Malaysia untuk memasukkan aspek keselamatan sosial (*social protection*) bagi semua rakyat ASEAN, dalam merealisasikan Masyarakat Ekonomi ASEAN.

13. PR-1331-L66676
Tuan Haji Hasbi bin Haji Habibollah [Limbang] minta **MENTERI KEMAJUAN LUAR BANDAR DAN WILAYAH** menyatakan bilakah projek Bekalan Air Luar Bandar dari Simpang Ukong ke pekan kecil Nanga Medamit akan bermula.
14. PR-1331-L66995
Tuan Gooi Hsiao-Leung [Alor Setar] minta **MENTERI PERTANIAN DAN INDUSTRI ASAS TANI** menyatakan butiran dan perkembangan terbaru penyusunan semula korporat BERNAS dan bilakah BERNAS akan disenaraikan semula dalam Bursa Saham.
15. PR-1331-L65890
Dato' Haji Irmohizam bin Haji Ibrahim [Kuala Selangor] minta **MENTERI DALAM NEGERI** menyatakan sejauh manakah komitmen Kementerian dalam membanteras penularan gejala rasuah dalam Jabatan Imigresen memandangkan jabatan ini berada di tempat teratas mengikut laporan anti rasuah yang dibentangkan Suruhanjaya Pencegahan Rasuah Malaysia (SPRM) kepada Kabinet baru-baru ini.
16. PR-1331-L66783
Tuan Nik Mohamad Abduh bin Nik Abdul Aziz [Pasir Mas] minta **MENTERI BELIA DAN SUKAN** menyatakan strategi dalam membantu para belia dalam berhadapan kenaikan kos sara hidup dan kebimbangan terhadap jenayah yang semakin berleluasa.
17. PR-1331-L67461
Datuk Hajah Norah binti Abd Rahman [Tanjong Manis] minta **MENTERI KEMAJUAN LUAR BANDAR DAN WILAYAH** menyatakan sebab berlakunya kelewatan dalam meluluskan permohonan bagi Program Bantuan Rumah (PBR) oleh Kementerian di negeri Sarawak, yang menyebabkan perancangan untuk membina rumah bagi rakyat miskin tegar tergendala.
18. PR-1331-L65863
Dato' Mansor bin Othman [Nibong Tebal] minta **PERDANA MENTERI** menyatakan jumlah pungutan zakat di seluruh negara dalam tahun 2014 dan perincian agihan penyaluran kegunaannya mengikut kategori-kategori lazim yang diguna pakai mengikut jumlah dan peratusannya.
19. PR-1331-L65664
Dato' Othman bin Aziz [Jerlun] minta **MENTERI PERUSAHAAN PERLADANGAN DAN KOMODITI** menyatakan kesan penyusutan nilai ringgit mempengaruhi pergerakan harga komoditi dan apakah tindakan susulan yang bakal dirangka oleh Kementerian bagi mengatasi kesan harga komoditi terutamanya untuk pasaran eksport.
20. PR-1331-L67013
Tuan Mohamed Azmin bin Ali [Gombak] minta **MENTERI LUAR NEGERI** menyatakan apakah komitmen Malaysia terhadap Artikel 14 Piagam ASEAN yang menuntut komitmen negara-negara anggota terhadap agenda Hak Asasi Manusia.

21. PR-1331-L65423
Dato' Seri Ong Ka Chuan [Tanjong Malim] minta **MENTERI PERTANIAN DAN INDUSTRI ASAS TANI** menyatakan apakah bantuan yang akan dihulurkan oleh Kementerian untuk membantu pekebun-pekebun kecil di mana tanaman mereka telah dimusnahkan dalam banjir di seluruh negara baru-baru ini.
22. PR-1331-L67303
Dato' Seri Abdul Hadi bin Awang [Marang] minta **PERDANA MENTERI NEGERI** menyatakan apakah langkah jangka masa panjang dalam menyelesaikan isu keselamatan rakyat di Sabah khususnya di Zon Selamat Timur Sabah (ESSZone).
23. PR-1331-L65455
Datuk Dr. Haji Abd. Latiff bin Haji Ahmad [Mersing] minta **MENTERI PERTANIAN DAN INDUSTRI ASAS TANI** menyatakan dana nelayan merupakan Tabung Pinjaman Mudah khusus untuk nelayan pantai bagi meningkatkan pendapatan dan produktiviti tangkapan:-
- (a) adakah dana berkenaan akan dipeluaskan kepada nelayan darat; dan
 - (b) sejauh manakah dana berkenaan telah memberi impak kepada hasil tangkapan ikan para nelayan.
24. PR-1331-L66870
Tuan Lim Guan Eng [Bagan] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapakah permohonan lesen Developer License and Advertising Permit oleh pemaju daripada Pulau Pinang, jumlah yang diluluskan dan tempoh permohonan yang belum diluluskan. Apakah respons terhadap aduan oleh REHDA bahawa hanya Pulau Pinang menghadapi masalah kelewatan yang disengajakan yang tidak dihadapi oleh negeri-negeri lain.
25. PR-1331-L65511
Dato' Haji Mohd Zaim bin Abu Hasan [Parit] minta **MENTERI KESIHATAN** menyatakan adakah Kementerian akan menyelaraskan supaya semua warga asing yang menerima rawatan di hospital dan klinik Kerajaan di setiap negeri perlu mengadakan insurans perubatan dan dokumen pengenalan diri sebelum diterima mendapat rawatan. Ini bertujuan mengatasi masalah bil hospital tertunggak yang tidak dijelaskan oleh warga asing yang jumlahnya teramat besar.
26. PR-1331-L66382
Tuan Sim Chee Keong [Bukit Mertajam] minta **PERDANA MENTERI** menyatakan statistik pesara yang kembali ke sektor pekerjaan ikut pecahan jantina, kaum, negeri dan jenis industri.

27. PR-1331-L65562
Datuk Sapawi bin Ahmad Wasali [Sipitang] minta **MENTERI PENDIDIKAN** menyatakan jumlah guru dari Semenanjung yang ditempatkan di Sabah setakat penghujung tahun lalu, dan berapa ramai pula guru siswazah Sabah yang berjaya menamatkan pengajian dalam bidang perguruan daripada institusi pengajian tinggi (IPT) sejak tahun 2000.
28. PR-1331-L67273
Dato' Dr. Mujahid Yusof Rawa [Parit Buntar] minta **MENTERI PENDIDIKAN** menyatakan apakah usaha untuk memastikan pengajaran mendidik pelajar sekolah menggunakan aktiviti media sosial secara beretika dan bermoral.
29. PR-1331-L66933
Dato' Ir. Haji Nawawi bin Ahmad [Langkawi] minta **MENTERI KERJA RAYA** menyatakan apakah Kerajaan bercadang untuk membina jalan baru atau menaik taraf jalan sedia ada dari Kampung Chandek Kura ke Pantai Chenang memandangkan berlakunya pertambahan aliran trafik dari Kuah ke Pantai Chenang disebabkan pertambahan pelancong. Buat masa ini, hanya terdapat satu laluan jalan persekutuan dari Kampung Chandek Kura ke Pantai Chenang, Langkawi.
30. PR-1331-L66895
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan jumlah syarikat yang tidak melaksanakan gaji minimum setakat 31 Disember 2014.
31. PR-1331-L66529
Tuan Haji Ahmad Lai bin Bujang [Sibuti] minta **PERDANA MENTERI** menyatakan:-
- (a) sejak Skim Subsidi Bas Baru diperkenalkan oleh SPAD, berapakah jumlah permohonan yang diterima dan diluluskan oleh pihak SPAD; dan
 - (b) berapakah jumlah peruntukan subsidi bas baru yang disalurkan kepada pengusaha bas sekolah di negeri Sarawak sehingga Februari 2015.
32. PR-1331-L66289
Tan Sri Dato' Seri Abd Khalid bin Ibrahim [Bandar Tun Razak] minta **MENTERI TENAGA, TEKNOLOGI HIJAU DAN AIR** menyatakan bila dan tempoh masa semua peruntukan undang-undang yang berkenaan terutama Akta Industri Perkhidmatan Air 2006 (WSIA) akan dikuatkuasakan terhadap syarikat pemegang konsesi yang masih berdegil enggan berkerjasama menjayakan penstrukturan semula industri air Selangor.

33. PR-1331-L66503
Tuan Anuar bin Abd. Manap [Sekijang] minta **MENTERI KEWANGAN** menyatakan:-
- (a) apakah Kerajaan menyediakan insentif kepada peniaga yang mendaftar sistem GST kerana kos persediaan untuk pelaksanaan GST adalah tinggi; dan
 - (b) adakah insentif disediakan untuk perisian GST April 2015.
34. PR-1331-L67031
Tuan Manivanan a/l Gowindasamy [Kapar] minta **MENTERI DALAM NEGERI** menyatakan rasional penggunaan Akta Hasutan secara meluas terhadap seseorang individu yang menyoal dan/atau mengeluarkan kenyataan mengenai isu-isu semasa seperti isu Permata dan keputusan kes Dato' Seri Anwar Ibrahim.
35. PR-1331-L66022
Tuan Anyi Ngau [Baram] minta **MENTERI KEMAJUAN LUAR BANDAR DAN WILAYAH** menyatakan sasaran pembinaan jajaran jalan raya serta penaiktarafan jalan balak di Baram bagi tahun 2015.
36. PR-1331-L65820
Tuan Haji Ahmad Nazlan bin Idris [Jerantut] minta **MENTERI PENDIDIKAN** menyatakan adakah kelonggaran diberi kepada Guru Penolong Kanan yang sedia ada untuk menjawat jawatan Guru Besar atau Pengetua berbanding dengan guru yang tidak mempunyai jawatan tetap yang mempunyai kursus MPQEL untuk diberikan peluang menjadi Pengetua dan Guru Besar.
37. PR-1331-L66643
Dato' Seri Reezal Merican bin Naina Merican [Kepala Batas] minta **MENTERI PENDIDIKAN** menyatakan senarai sekolah harian yang mendapat status Sekolah Berprestasi Tinggi di seluruh Malaysia pada ketika ini. Apakah ada calon-calon sekolah SBT dari Pulau Pinang untuk 2014.
38. PR-1331-L67347
Tuan Mohamed Hanipa bin Maidin [Sepang] minta **MENTERI PENGANGKUTAN** menyatakan:-
- (a) adakah Kerajaan akan membayar pampasan RM1 bilion kepada Beta Tegap Sdn. Bhd. dan ATES Sdn. Bhd. iaitu RM500 juta setiap satu sebagai penyelesaian penuh pampasan apabila Kerajaan mengambil alih AES daripada 2 syarikat tersebut; dan
 - (b) adakah bayaran pampasan itu juga termasuk bayaran ke atas jumlah keuntungan masa depan (*future loss of profit/earning*) yang belum dikutip oleh kedua-dua pemegang konsesi tersebut.

39. PR-1331-L66572
Dr. Ong Kian Ming [Serdang] minta **MENTERI PENDIDIKAN** menyatakan status terkini rancangan untuk membina SRK Taman Sutera, Kajang, yang nampaknya telah terbengkalai.
40. PR-1331-L66996
Tan Sri Dato Sri William Mawan Ikom [Saratok] minta **MENTERI KERJA RAYA** menyatakan perutusan tahap pelaksanaan jaringan lebuh raya merentasi negeri Sarawak & apakah sebab yang melambatkan usaha melengkapkan infrastruktur utama tersebut.
41. PR-1331-L66093
Dato' Dr. Tan Kee Kwong [Wangsa Maju] minta **MENTERI KEWANGAN** menyatakan dalam keadaan nilai ringgit dan ekonomi yang tidak memberangsangkan adakah Kerajaan akan terus melaksanakan GST pada April ini.
42. PR-1331-L65554
Dato' Sri Haji Abdul Azeez bin Abdul Rahim [Baling] minta **MENTERI BELIA DAN SUKAN** menyatakan apakah pelan pembangunan Kementerian dalam meningkatkan taraf kualiti sukan terutamanya di kawasan luar bandar khususnya bagi rakyat di Baling.
43. PR-1331-L66629
Tuan Ahmad Marzuk bin Shaary [Bachok] minta **PERDANA MENTERI** menyatakan kemajuan Pusat Percetakan Al-Quran di Putrajaya yang dikatakan kedua terbesar di dunia.
44. PR-1331-L65981
Puan Siti Zailah binti Mohd Yusoff [Rantau Panjang] minta **PERDANA MENTERI** menyatakan penguatkuasaan pensijilan halal di restoran hotel-hotel di seluruh negara dan jumlah hotel yang masih belum mendapat pengiktirafan persijilan setakat ini.
45. PR-1331-L66256
Dato' Mohd Ariff Sabri bin Abdul Aziz [Raub] minta **MENTERI KEWANGAN** menyatakan:-
- (a) dengan pinjaman tambahan RM2 bilion yang dikatakan diberi oleh Tan Sri Ananda Krishnan, jumlah suntikan ke dalam Powertek Investment Holdings (PIH) ialah RM4 bilion. Berapakah pegangan beliau dalam PIH; dan
 - (b) mengapakah pihak peminjam tidak mengambil tindakan ke atas aset 1MDB.
46. PR-1331-L67096
Datuk Seri Panglima Haji Abdul Ghapur bin Haji Salleh [Kalabakan] minta **MENTERI PERTANIAN DAN INDUSTRI ASAS TANI** menyatakan berapa banyakkah syarikat yang menjalankan perusahaan membekal beras di negara ini terutama sekali di Sabah dan siapakah pemilik syarikat-syarikat berkenaan.

47. PR-1331-L66052
Datuk Ahmad Jazlan bin Yaakub [Machang] minta **MENTERI PENGANGKUTAN** menyatakan berikutan banjir besar yang melanda Kelantan baru-baru ini, landasan kereta api Tumpat Kelantan rosak begitu teruk, bilakah jangkaan masa ia akan diperbaiki sepenuhnya dan dapat kembali beroperasi seperti biasa.
48. PR-1331-L67226
Tuan Haji Nasrudin bin Hassan [Temerloh] minta **MENTERI DALAM NEGERI** menyatakan keperluan untuk membentangkan Rang Undang-Undang Anti Keganasan di Dewan Rakyat.
49. PR-1331-L66730
Tuan R. Sivarasa [Subang] minta **PERDANA MENTERI** menyatakan senarai semua penumpang pesawat negara 9M-NAA (yang membawa Perdana Menteri ke luar negara ke Hawaii di bulan Disember 2014) semasa pulang ke Malaysia pada 4hb Januari 2015.
50. PR-1331-L66758
Tuan Che Mohamad Zulkifly bin Jusoh [Setiu] minta **MENTERI KEWANGAN** menyatakan langkah Kerajaan dalam mengawal cubaan spekulator untuk menjatuhkan nilai Ringgit Malaysia yang boleh memberi kesan buruk terhadap pelaburan di negara ini.
51. PR-1331-L66731
Tuan R. Sivarasa [Subang] minta **PERDANA MENTERI** menyatakan apa sebab Peguam Negara tidak membuat permohonan di bawah Akta Mahkamah Kehakiman 1964 di Mahkamah Rayuan selepas Korporal Sirul Azhar Umar dan Ketua Insp Azilah Hadri dibebaskan dan juga di Mahkamah Persekutuan untuk waran tangkap atau perintah sekatan atas pergerakan mereka semasa menunggu penghabisan rayuan Peguam Negara.
52. PR-1331-L66422
Raja Dato' Kamarul Bahrin Shah [Kuala Terengganu] minta **MENTERI DALAM NEGERI** menyatakan apakah tujuan utama Kerajaan mengekalkan Akta Hasutan dan apakah perbezaannya dari Akta Hasutan asal yang telah diguna sejak merdeka.
53. PR-1331-L67116
Tan Sri Dato' Sri Dr. Jamaluddin bin Mohd Jarjis [Rompin] minta **MENTERI TENAGA, TEKNOLOGI HIJAU DAN AIR** menyatakan adakah Kementerian sedang membuat kajian dan unjuran bagi keperluan gas yang dikeluarkan oleh PETRONAS kerana pihak TNB menggunakan lebih daripada 50 peratus daripada keperluan gas untuk menjana janakuasanya.
54. PR-1331-L65377
Dato' Wira Othman bin Abdul [Pendang] minta **MENTERI WILAYAH PERSEKUTUAN** menyatakan:-
- (a) berapakah lesen perniagaan atau lesen penjaja yang telah dibatalkan oleh DBKL kerana di Alibabakan sejak tahun 2014 hingga sekarang; dan

- (b) apakah langkah-langkah tegas DBKL untuk menghapuskan lesen Ali Baba.
55. PR-1331-L66803
Datuk Juslie bin Ajirol [Libaran] minta **MENTERI PERTANIAN DAN INDUSTRI ASAS TANI** menyatakan peranan FAMA dalam menawarkan dan memasarkan barangan basah dan buah-buahan yang berkualiti dan harga munasabah sebagai memenuhi keperluan harian rakyat tempatan.
56. PR-1331-L66695
Tuan Shamsul Iskandar bin Mohd Akin [Bukit Katil] minta **PERDANA MENTERI** menyatakan apakah status kes jenayah syariah Qazaf yang diadukan oleh YB Datuk Seri Anwar Ibrahim memandangkan perbicaraan fitnah liwat siri ke 2 di Mahkamah Persekutuan telah selesai.
57. PR-1331-L66486
Tuan Sim Tze Tzin [Bayan Baru] minta **MENTERI DALAM NEGERI** menyatakan rasional penswastaan pemprosesan visa lawatan ke Malaysia. Senaraikan negara-negara sumber pelawat yang terlibat dan senaraikan syarikat-syarikat swasta yang memproses visa lawatan mengikut Negara sumber.
58. PR-1331-L66516
Datuk Mohd Idris bin Jusi [Batu Pahat] minta **MENTERI PENDIDIKAN** menyatakan punca-punca berlakunya pelbagai masalah sosial dan keruntuhan akhlak di kalangan murid-murid sekolah. Apakah langkah-langkah yang telah diambil dan setakat mana keberkesanannya.
59. PR-1331-L66873
Datuk Jumat bin Idris [Sepanggar] minta **MENTERI DALAM NEGERI** menyatakan:-
- (a) apakah hasil siasatan ke atas individu bernama Kamal Bin Said @ Manuel Amallio yang mempunyai kes menipu lebih kurang 15,000 individu di Mindanao dan juga Papar, Sabah melalui Skim "Mirza", dianggarkan lebih 800 juta yang kini dilihat bebas bergerak di Kota Kinabalu; dan
- (b) adakah pertuduhan telah dikenakan ke atas beliau dan adakah pihak Kerajaan telah menerima permintaan daripada Kerajaan Filipina untuk individu ini diekstradisi ke Manila bagi menghadapi semua pertuduhan.
60. PR-1331-L67050
Datuk Haji Datu Nasrun bin Datu Mansur [Silam] minta **MENTERI PERDAGANGAN ANTARABANGSA DAN INDUSTRI** menyatakan apakah inisiatif Kementerian dalam mempertingkatkan penggunaan kenderaan Mesra Alam Sekitar seperti Kenderaan Elektrik dan Hybrid Di Malaysia. Adakah melalui Dasar Automotif Nasional (NAP) yang dikaji semula pada tahun 2009, telah menunjukkan kesan positif terhadap pembangunan infrastruktur bagi kenderaan Elektrik (EV) di Malaysia.

61. PR-1331-L65681
Datuk Johari bin Abdul Ghani [Titiwangsa] minta **MENTERI PENDIDIKAN** menyatakan langkah atau penyelesaian yang akan diambil di dalam memastikan bahawa setiap sekolah tidak membebankan pihak ibu-bapa dengan pelbagai jenis yuran tambahan seperti yuran makmal komputer, yuran PIBG yang perlu dibayar mengikut bilangan anak dan lain-lain.
62. PR-1331-L65953
Tuan Tan Kok Wai [Cheras] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah program yang telah dilaksanakan untuk membantu golongan keluarga yang tidak mampu memiliki rumah sendiri terutama mereka yang tinggal di bandaraya yang terpaksa membayar sewa rumah yang tinggi dan di luar kemampuan mereka.
63. PR-1331-L66302
Tuan Wong Sze Phin @ Jimmy [Kota Kinabalu] minta **MENTERI KERJA RAYA** menyatakan anggaran kos projek pembinaan dua persimpangan bertingkat (*flyover*) di Jalan Lintas, Kota Kinabalu dan nyatakan kontraktor yang mendapat projek tersebut. Apakah perancangan Kerajaan di atas projek persimpangan bertingkat yang akan dibinakan di Kota Kinabalu khususnya di seluruh Outer Ring Road KK sepanjang 50km.
64. PR-1331-L67424
Dato' Sri Azalina binti Dato' Othman Said [Pengerang] minta **MENTERI PENDIDIKAN** menyatakan adakah pihak Kementerian akan membina dan menubuhkan Sekolah Teknik dan Vokasional di Parlimen Pengerang bagi aliran *oil & gas* kerana pusat pendidikan IKBN yang ada hanyalah untuk lepasan SPM dan perkara ini sejajar dalam melahirkan tenaga kerja tempatan.
65. PR-1331-L66194
Tuan Oscar Ling Chai Yew [Sibü] minta **PERDANA MENTERI** menyatakan adakah Kerajaan akan mengguna cadangan menggantikan label "Lain-lain" dengan Dayak dalam semua borang rasmi Malaysia. Atau Kerajaan berhasrat untuk memansuhkan label kaum dalam semua borang rasmi Kerajaan.
66. PR-1331-L65644
Dato' Henry Sum Agong [Lawas] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah usaha pihak Kementerian dalam memastikan barangan keperluan khususnya di luar bandar terkawal. Ini membabitkan penguatkuasaan di sempadan Kalimantan dekat Ba'kelalan.
67. PR-1331-L66813
Tuan Chong Chieng Jen [Bandar Kuching] minta **MENTERI PERTANIAN DAN INDUSTRI ASAS TANI** menyatakan berapakah jumlah subsidi beras yang dibayarkan kepada BERNAS dalam tahun 2013 dan 2014. Apakah sebabnya sungguhpun dengan subsidi tersebut dan harga antarabangsa beras dalam lingkungan RM1.40 sekilo dalam tahun 2014, harga beras subsidi yang dijual di Malaysia masih RM1.80 sekilo.

68. PR-1331-L67046
Dr. Mansor bin Abd Rahman [Sik] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan harga minuman di kebanyakan restoran-restoran atau kedai-kedai makan didapati tidak seragam dan terdapat yang mengenakan dengan harga yang tinggi. Adakah pihak kementerian mempunyai satu mekanisma yang khusus bagi memastikan harga yang dibayar tidak membebankan pengguna memandangkan penyediaan minuman hanya menggunakan bahan asas berbanding penyediaan makanan yang mungkin mempunyai kaedah dan resepi tertentu.
69. PR-1331-L67290
Tuan Haji Khalid bin Abdul Samad [Shah Alam] minta **MENTERI DALAM NEGERI** menyatakan apakah sumbangan-sumbangan yang telah diberikan oleh Paul Phua kepada keselamatan negara.
70. PR-1331-L66683
Dato' Ngeh Koo Ham [Beruas] minta **MENTERI KEWANGAN** menyatakan bagaimana pekebun kecil yang menjual hasil ladang kurang daripada RM500,000 setahun dilindungi daripada Cukai Barang dan Perkhidmatan (GST) kerana pembeli hasil mereka terpaksa membayar GST (kerana jualan mereka melebihi RM500,000) apabila menjual barangan yang telah dibeli dan dikumpulkan ke kilang.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri di Jabatan Perdana Menteri**

- * Rang Undang-undang Suruhanjaya Penerbangan Malaysia 2015

2. **Menteri Kewangan**

- * Rang Undang-undang Suruhanjaya Sekuriti (Pindaan) 2015

3. **Menteri Kewangan**

- * Rang Undang-undang Pasaran Modal dan Perkhidmatan (Pindaan) 2015

4. **Menteri Kewangan**

- * Rang Undang-undang Kumpulan Wang Persaraan (Pindaan) 2015

* Menandakan bahawa Rang Undang-undang ini akan dibawa pada semua peringkat di mesyuarat ini.

ATURAN URUSAN MESYUARAT DAN USUL-USUL

1. (D.R. 2/2015) Rang Undang-undang Lembaga Pembiayaan Perumahan Sektor Awam 2015 - **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (2 April, 2015)**

[Menteri Kewangan]
2. (D.R. 10/2015) Rang Undang-undang Pencegahan Keganasan 2015 **Bacaan Kali Yang Kedua**

[Menteri Dalam Negeri]
3. (D.R. 6/2015) Rang Undang-undang Langkah-Langkah Khas Menentang Keganasan di Luar Negara 2015 “

[Menteri Dalam Negeri]
4. (D.R. 5/2015) Rang Undang-undang Penjara (Pindaan) (No.2) 2015 “

[Menteri Dalam Negeri]
5. (D.R. 4/2015) Rang Undang-undang Kanun Keseksaan (Pindaan) 2015 “

[Menteri Dalam Negeri]
6. (D.R. 8/2015) Rang Undang-undang Pencegahan Jenayah (Pindaan) 2015 “

[Menteri Dalam Negeri]
7. (D.R. 9/2015) Rang Undang-undang Kanun Tatacara Jenayah (Pindaan) 2015 “

[Menteri Dalam Negeri]
8. (D.R. 7/2015) Rang Undang-undang Kesalahan Keselamatan (Langkah-Langkah Khas) (Pindaan) 2015 “

[Menteri Dalam Negeri]
9. (D.R. 12/2015) Rang Undang-undang Keterangan (Pindaan) 2015 “

[Menteri di Jabatan Perdana Menteri]

10. (D.R. 1/2015) Rang Undang-undang Ahli Kimia (Pindaan) 2015 **Bacaan Kali Yang Kedua**

[Menteri Sains, Teknologi dan Inovasi]

11. (D.R. 23/2014) Rang Undang-undang Ahli Parlimen (Saraan) (Pindaan) 2014 “

[Perdana Menteri]

12. **Menteri Kewangan** akan mencadangkan:-

“Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM39.592 bilion wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”

13. **Menteri Dalam Negeri** akan mencadangkan:-

“Bahawa Majlis ini membuat resolusi menurut subseksyen (4), Seksyen 1, Akta Dadah Berbahaya (Langkah-Langkah Pencegahan Khas) 1985 supaya akta ini hendaklah terus berkuatkuasa bagi tempoh 5 tahun lagi mulai dari 15 Jun 2015”

14. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan melalui Menteri Kewangan (Diperbadankan) membuat pelaburan dengan memperoleh sejumlah 10,000,000 unit saham biasa MyHSR Corporation Sdn Bhd, sebuah syarikat yang dimiliki sepenuhnya oleh Menteri Kewangan (Diperbadankan) pada nilai RM1 bagi satu unit saham”.

15. PR-1331-U65762

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama. Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama.

Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan. Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut. "

[Perdana Menteri]

16. PR-1331-U65853

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka menggelarkan diri mereka sebagai aktivis Sabah Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak prihatin dan kuku besi. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

[Menteri Dalam Negeri]

17. PR-1331-U65760

Tuan M. Kulasegaran [Ipoh Barat] akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera. "

[Perdana Menteri]

18. PR-1331-U66345

Dr. Tan Seng Giaw [Kepong] akan mencadangkan:-

"Bahawa Dewan ini membahaskan banjir besar di negara."

[Perdana Menteri]

19. PR-1331-U66346

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan gerakan militan di Malaysia."

[Menteri Dalam Negeri]

20. PR-1331-U67135

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

21. PR-1331-U67141

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN</u> <u>2015</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
CMD. 5	Laporan Ketua Audit Negara 2014 Aktiviti Kementerian / Jabatan dan Pengurusan Syarikat Kerajaan Persekutuan Siri 1	6 April 2015
CMD.6	Laporan Ketua Audit Negara 2014 Siri 1 Pengurusan Aktiviti Badan Berkanun Persekutuan Dan Pengurusan Syarikat Subsidiari	6 April 2015
CMD. 7	Maklum Balas Ke Atas Laporan Ketua Audit Negara Siri 1 Tahun 2014 Mengenai Aktiviti Kementerian / Jabatan Dan Pengurusan Syarikat Kerajaan Persekutuan Serta Aktiviti Badan Berkanun Persekutuan Dan Pengurusan Syarikat Subsidiari	6 April 2015
CMD. 8	Laporan Ketua Audit Negara Tahun 2014 Aktiviti Jabatan / Agensi Dan Pengurusan Syarikat Kerajaan Negeri Kedah Siri 1	6 April 2015
CMD. 9	Laporan Ketua Audit Negara Tahun 2014 Aktiviti Jabatan / Agensi Dan Pengurusan Syarikat Kerajaan Negeri Johor Siri 1	6 April 2015
CMD. 10	Laporan Ketua Audit Negara Tahun 2014 Aktiviti Jabatan / Agensi Dan Pengurusan Syarikat Kerajaan Negeri Kelantan Siri 1	6 April 2015
CMD. 11	Laporan Ketua Audit Negara Tahun 2014 Aktiviti Jabatan / Agensi Dan Pengurusan Syarikat Kerajaan Negeri Melaka Siri 1	6 April 2015
CMD. 12	Laporan Ketua Audit Negara Tahun 2014 Aktiviti Jabatan / Agensi Dan Pengurusan Syarikat Kerajaan Negeri Sembilan Siri 1	6 April 2015
CMD. 13	Laporan Ketua Audit Negara Tahun 2014 Aktiviti Jabatan / Agensi Dan Pengurusan Syarikat Kerajaan Negeri Pahang Siri 1	6 April 2015

<u>TAHUN</u> <u>2015</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
CMD. 14	Laporan Ketua Audit Negara Tahun 2014 Aktiviti Jabatan / Agensi Dan Pengurusan Syarikat Kerajaan Negeri Perak Siri 1	6 April 2015
CMD. 15	Laporan Ketua Audit Negara Tahun 2014 Aktiviti Jabatan / Agensi Dan Pengurusan Syarikat Kerajaan Negeri Perlis Siri 1	6 April 2015
CMD. 16	Laporan Ketua Audit Negara Tahun 2014 Aktiviti Jabatan / Agensi Dan Pengurusan Syarikat Kerajaan Negeri Pulau Pinang Siri 1	6 April 2015
CMD. 17	Laporan Ketua Audit Negara Tahun 2014 Aktiviti Kementerian / Jabatan / Agensi Dan Pengurusan Syarikat Kerajaan Negeri Sabah Siri 1	6 April 2015
CMD. 18	Laporan Ketua Audit Negara Tahun 2014 Aktiviti Kementerian / Jabatan / Agensi Dan Pengurusan Syarikat Kerajaan Negeri Sarawak Siri 1	6 April 2015
CMD. 19	Laporan Ketua Audit Negara Tahun 2014 Aktiviti Jabatan / Agensi Dan Pengurusan Syarikat Kerajaan Negeri Selangor Siri 1	6 April 2015
CMD. 20	Laporan Ketua Audit Negara Tahun 2014 Aktiviti Jabatan / Agensi Dan Pengurusan Syarikat Kerajaan Negeri Terengganu Siri 1	6 April 2015